



敘

壬申冬余至京師客有挾沈曼真白蘋詩來者余
讀而愛之殆忘眠飯方今詩家衆矣求其秀色飛
動天然拔俗未有如曼真者也旣而與曼真交品
茶鬪酒時時過從見其才情清綺文史該洽入有
烏衣之遊出有蘭臺之聚風神軒朗世方目爲神
僊中人而窺曼真之意壹似悄乎不自得者歎鄧
禹之笑人感劉尹之知我其偏側蟠鬱之氣注射
語言以爲詩則工以爲詞則又工以余習倚聲之
業哀其未申間所爲詩餘名曰玉玲瓏山閣集而



屬余是正余觀曼真之詞始學稼軒之奔放旣則折而爲玉田之清妍至其光明瀲灩不假追琢則未可泥古人以求之曼真素曉音律曩在杭越間箏人笛伎爭欲得沈郎一顧以爲重羅裙紈扇筆墨淋漓筍輿篴舫絲竹迭侍曼真忽忽不自知樂也比來輦下與余軒眉抵掌商確古今則又卓然以不朽之業自任蓋曼真之所見進乎技矣區區緝拾綺語愛護而流傳之豈習氣猶未除歟曼真曰吾以識過也曼真名樹本字厚餘吳興人曼真其自號云柯煜序

玉玲瓏山閣集

湖州

沈樹本

厚餘

柳枝

春來花信滿芳郊只有垂楊似妾嬌莫道全身畫難就如睂如眼更如腰

又

拂水拖烟幾十枝淺黃深碧幾千絲女兒浦口鴛鴦浴正是阿儂愁絕時

又

未豐坊口大道斜東南角邊是妾家妾腰纖弱過

楊柳白家小蠻徒自誇

又

曲徑迷人鶯暗藏綠楊灣裡小紅墻誰家蕩子慣
識路直到門前來乞漿

又

朝來女伴踏青蕪橋上霜濃白練鋪阿姊赤闌扶
不定儂行都倩柳絲扶

又

郎乘驄馬過大隄妾乘蘭橈渡水西絲韁錦纜恰
相遇同繫一枝垂柳低

又

柳塘競起踏歌聲病起可憐喉未清郎歌款乃妾
按拍妾唱柳枝郎莫聽

又

當年人說張思曷比似郎顏誰最强妾顏不如郎
顏好若个風流更勝郎

又

願郎不似楊柳絮願郎但如楊柳絲柳絮隨風落
天外柳絲年年發故枝

又

小結朱樓在柳陰樓中日日怨春淡東鄰小姑不相識戲折柔條逐水禽

浣溪紗

釵

上貼金蟬下玉蟲分明壓住八盤龍如何驀地髻鬢鬆
兜處定因花刺密尋時忽恨柳陰濃果然穩臥繡苔中

又

衫

換了春衣好踏青尚將宜稱費閒評凝思閣住剪刀聲
蛺蝶羅寒風怎受鴛鴦錦重力難勝不如裁取鶴文綾

又

裙

藕碧榴紅巧樣新小開猶自罵行人那知人盡欲銷魂
料得綉鞋名獨見憶他窮袴是湘文底須著地拂香塵

又

鞋

正欲眠時換繡幫笑聲吃吃合歡牀此時唯覺暗中香
但得妾身長倚藉儘拚郎手細端詳羨他金鳳一雙雙

浪淘沙

將入都寄鄭彥升四首時彥升在贛州

離別已經年轉眼秋天蒼茫離緒隔江烟醉魄吟

魂來往慣驛路三千
大夢裏向君前幾度纏綿醒
來枕手背燈眠縱使伊家全此夢分外堪憐

又

記否去年人沈約吳均湖山歌舞醉成羣也共隄
邊青雀舫也共雕輪潑墨似烟雲錦袖羅裙一
時風雅屬諸君今日樽前思往事似夢如塵

又

紈扇遠相貽數首新詞殷勤特地付紅兒教繫合
歡羅勝子絡以青絲刻骨是相思瘦盡腰肢重
題短幅報瓊璣綺語也知須受戒可奈情痴

又

君已歷風霜我又辭鄉迢迢紫路更添長莫向鬱
孤臺上望雲樹淒涼燕市盼輕裝劍匣詩囊幾
時重與話離腸章貢門前章貢水好趁風檣

鷓鴣天

峴山送別彥升

牽袂河橋竚立間此時誰更强歡顏荒城背日迢
迢去古道迎風寂寂還情似絮淚如鉛別時真
抵見時難從今記得分襟處千尺寒流兩岸山

唐多令

元夜飲毛建平齋頭醉後同遊燈

愛客有毛公邀歡小巷東捧春盤鱸鮓香濃耳熱

杯闌連袂去喜今夜月光同身入錦雲叢蟬紗
障碧空鬧蛾兒簫鼓聲中十里簾鈎都未下吹不
散膩釵風

又

同汪子錫吳臨原母舅瑤岑姪放崔亭
觀梅

雙屐暖晴沙尋香處士家倚空亭老榦欹斜春水
不流山不語聊共啜半甌茶幽夢斷香車閒情
逐曉霞記前遊換了韶華細數酒徒纔一半零落
處比梅花

蝶戀花

暑日晤周敷文于接待寺

獨訪幽人塵垢外禪榻蒲團語笑無拘礙茗汁一

甌如沉瀼疎烟颺處凝香靄
跌坐蓮花觀自在
合掌和南願借楊枝灑灑向碧天風雨大此時坐
我清凉界

且卷芭蕉雨密風尖雲意卻南窗小
斜日橫塘水濶渡頭相傍處芙蓉檝小小玉人雙
絕料爾妹是桃根姊名桃葉
風前時露笑靨墜
魚子香纈恰睂語眼波從天拾恁若去踏蘇隄則
怕山色湖光一時羞怯

江城子

夜泊五陵頭聞吳歌

女兒浦口可憐宵去來橈送迎潮誰唱灣灣月子

過溪切隱約船娘囉噴曲聲最苦韻偏嬌
推篷起坐暗魂消思無聊首頻搔今夜孤舟九里第三
橋忽憶紫荊花下事情脉脉水迢迢

魚干香祝英臺近

送別徐序仔

曲終時燈暗處携手共君語釣里漁村能得幾回
聚試教檢點奚囊近來酬唱多半是斷腸詩句
且休去不見雨密風尖雪意暗南浦小住爲佳忍
讀黯然賦明年渡口梅開溪頭水漲須穩泛輕烟
柔櫓

又

寄錢尋千

玉鬢紅躑躅枝上已零落暗憶年時携手在官
閣相逢礙在春前如今春去尚兀自兩邊擔擱
興蕭索別後淡掩柴門無心理棕屨望爾輕橈溪
口往來數惟餘翠醪三升銀鱗一斗好共住小園
墻角

又

南陽湖舟中

拂垂楊牽翠荇水色最明淨絕似江南十里好風
景更添一抹遙山如迎如抱掩映得夕陽紅凝
漫乘興便欲覓個漁榔衝波入烟暝愛殺鳧雛飛
浴兩相並西風吹老芙蓉倚闌干處猛記起故園

花逕

洞仙歌

用載酒集韻

問他年紀但凝眸
微笑笑指西樓月圓了
縱眉無多翠唇半分朱
也可有密意柔情多少
蟬雲梳未起
兩翅垂垂一個金蟲鬢
邊裊曲徑綺疏幽晚
燕朝鶯敢有分合歡
樹杪切莫似當年
苧蘿邨鎮捧住靈犀
怨花愁草

又

中門鎖罷開
一羣腰鼓小隊爭看
柘枝舞愛衆中
獨立素袖明璫也
趁了燕燕蟲蟲笑語
三生狂

杜牧細睽移時一任旁人
鎮相覷漏盡燭花消轉
入屏風知今夜珮聲何處
見說道兒家大隄頭每
繡倦停鍼倚樓凝竚

又

人間天上料仙源
非誤漸入花叢最深處
趁烏龍睡熟輕叩朱扉
人不到一徑落紅似雨
雙鑲私自啓道罷勝常
捧出瓊漿便教去
走過赤闌干幾度
回眸又倚定窓兒
絮語却驀上心來
臉疑潮是記起相逢
去年崔護

又

日和風軟恰嫩晴天氣十里柔藍簟紋起上吳娘
小棹載取兜娘纔蕩槳已過幾重溪尾 嘔啞聲
漸悄抱玉捱香身在銀毬繡幃裏小小拓窓紗細
語輕憐星月下畫闌同倚便一路看山到西冷怕
不似伊行兩彎眉翠

又

春前幾日病迷廝誰料拆罷蠻箋駕輕棹漸登樓
舉幔再啓流蘇頻轉側扶起腰肢嫋嫋 全身紅
浪擁髻髒鬟偏兩道春山也慵掃心事養娘知指
點芳容恰便把從前細告自捧住靈犀已經旬只

此際開顏乍聞談笑

又

西南樓角愛蟾光清皎爲語檀郎夜淡了奈綺疏
未掩綉幙都開紗幙裏却被姮娥細照 回身還
向壁畏見清光手弄輕紈故相惱千遍強回頭若
再沉吟拚作箇蜂兒就抱况此際橫陳又何妨便
竟體通明正難看飽

又

閏七夕

一年一度幸古來如此此夜重逢更堪喜記前番
已料應有今番猶未把自織紅綃密遞 別來纔

一月仔細端相依舊風前太華髻縱被世間人笑
我癡騃誰似我雙鴛重理第二次佳期最銷魂待
夜半無人教君恣意

滿江紅 登下菰城

一帶空壕擁前後亂山無數見說道昔年此地六
軍曾駐麥壟鋤平歌舞地女墻踏作漁樵路土花
叢斷鏃與遺鈿無尋處 思公子風堪溯招賓客
情堪慕羨簪刀珠履賢豪長聚醇酒婦人無忌死
鷄鳴狗盜田文去問從今相士屬何人悲時遇

高陽臺

城南峴山之麓有斷阡焉其陰曰
陳氏官英小娘之墓披榛細讀弔

之以
詞

斷壁千尋孤墳三尺手披荒草淒涼讀罷殘碑臨
風淚不成行狐嗥鼠竄斜暉落冷冥冥翠燭幽光
更誰知姓自長門名次娥皇 珮環月下歸來否
問夜臺寂寞可念家鄉暗想生前幾多膩粉柔香
今朝驀地相逢處爲卿卿傳遍詞場未輸他嶺外
朝雲塞上王嬙

百字令

記與彥升夢中語

濛濛絲雨逼黃昏又是楝花風起忽漫相逢燈影
下小坐幽窻靜几促膝深談從頭細數數盡平生

事薄綿衣冷休教沾惹寒氣
笑我落拓襟懷癡
狂心性却與君相似若在君前猶誑語矢願有如
白水陵谷遷移雨雲翻覆難改區區意茫茫海內
君爲第一知己

又 暮雨懷臨原母舅

蕭蕭暮雨傍層簷滴入蕉心一寸五月新寒生草
閣又攪淒風幾陣門外溪橋柔波乍滿十里鷺黃
嫩索居岑寂愁腸沒處安頓 因憶西子湖頭狂
朋俊侶日日香街趁舞扇歌藁吟寫遍多少搓酥
滴粉料得樽前故人念我定也勞相問歸時細數

更添幾度離恨

水龍吟 吳山送春

春光一線猶畱我來特送春歸去登山長慟當爲
情死此言非悞吳地烟濃越山翠冷夕陽粘住望
隔江隱隱紅墻蕭寺總難辨是何處 怪煞歸城
士女尚喧闐錫簫社鼓垂楊繫艇落花隨馬有何
情緒拚得今宵醉眠禡榻滿身風露正銷凝此際
那堪又聽暮鐘聲度

雨淋鈴 寄嶠宗母舅

溪山阻隔悵分離久年歲堪惜茶烟髻影零落思

前日事愁腸堆積記得良朋好句徧古寺墻壁奈
此後各向天涯紅鯉金鴻也難覓 幾番待訪元
真宅又因循未辦登臨展秋風捩柁還要揮手去
遠遊京國短笠長鏡今日爲農真是良策料此際
飯犢歸來正擣蠻薑喫並對紫瓊杯不識酒旨
南風濕澡蘭香 菱絲
分開魚沫觸住蝦鬚半挂綠波心底細看股樣彷彿
蟾蜍曾泛昆明池水待秋深渡口人喧零亂角
青花紫採取歸來撇向船頭船尾 閒把桃花酸
浸苜蓿盤堆漫勞纖指屏當几案檢點樽罍並列

蓴絲菰米暢好似顧渚新茶椀內旗槍初試也沒
甚甘脆珍奇自多風味

綺羅香

三月七日

煮酒園林築毬天氣過了春三之二處處桃花引
得遊人如蟻餉鼓鬧昨日清明鶯語溜明朝上巳
喚將來醉友吟僮春衫都住錦屏底 教坊全部
齊到漸看兩條燭盡箏琶忽起紅粉當場我亦銷
魂欲死貪睂語舞錯伊州愛目成歌忘北里最堪
憐放棹匆匆削肩猶未倚

摸魚子

答徐紫凝

乍飛來玉臺佳句吳牋一幅光研遙知潑墨淋漓
處定在風廊水榭塵不惹誰似爾琉璃匣傍珊瑚
架深情自寫總牢落如余也勞問訊此意怎忘者
春前事携手吟壇醉社分襟已過長夏聞君未
上山陰道且莫布帆高掛杯共把好待我輕舟直
到西窻下吹簫舞蔗拚日日招尋湖頭漸看秋色
又來也

沁園春

仲夏過郡中

駕木蘭橈經白蘋洲過紅蓼灘見繞城欄檻兩邊
掩映拍堤楊柳一帶彎環翠色羅羅波光森森波

染烟雲一片寒船如屋向水晶宮裏飛去飛還
往來茗雪之間有幾處遊行好破顏愛小樓書卷
彩毫才子華堂絲竹粉署郎官歷遍銅街旋登水
榭又得凭臨郭外山香風過是幾羣油壁無數雲
鬟

又

積翠樓呈韓希一先生

樓也高哉平揖南山下窺碧湖愛虛堂敞榭空青
滴瀝後廊前檻野翠縈紆主是平原客皆孺子花
外悠然住小車追陪下笑對非了了來便于于
先生顧我欷歔問吾在先民誰屬歟乃袖遺脯肉

東方曼倩禪名犢鼻司馬相如夜雨禪房曉風伎
館畱得狂名在博徒君休恨且傾三若酒斫四腮
鱸

又 姑蘊

此地年年羅綺香風烟波畫船愛歌樓舞榭闔閭
城外柔絲脆竹短簿祠前羣學榴花髻欵蘭葉開
掃新粧別樣妍嬉遊去縱燕窺鶯認分外喧闐
我來幾度流連奈漁火江楓舊恨牽記悵悵門巷
簸錢往事深深簾幕種玉前緣唱徧高歌無人會
寫不見張顛共米顛拚沉醉倩麻姑搔癢石上高

眠

又 京口

穩放扁舟如此江山揚帆快哉望中冷泉口銀濤
雪浪妙高臺畔貝闕瑤堦鹵客攤錢茶商鬻畚巨
觶凌空雁齒排朝瞰射有馮巨龍伯鱗甲毳毼
幾番俯仰興懷歎自古江東出霸才想寄奴初至
南徐賓盛伯符草創北固樽開而我來遊昔人往
矣惟見洪流滾滾來乘槎去願長風萬里直到蓬
萊

又 揚州

古郡揚州牛斗中分江淮右襟有秦時明月照來
陌上隋家楊柳種滿城陰路入刊闕紅樓十里捲
上珠簾夜色沉繁華境惹風流小杜夢裏情深
玉鈎斜畔傷心悵墮珥遺簪不可尋問錦帆消息
甚時潮打瓊花顏色幾度霜侵莫管他年且圖今
夕沽酒雷塘手自斟秋光好占茱萸佳節荳蔻清
吟

又淮上

極目郊原一帶平岡崢嶸坦迤聽崩沙颯杳蕭蕭
白草盤渦撞擊潏潏黃河漂母祠荒劉伶臺迴賸

有行人喚奈何西風裏倚舵樓橫笛吹起寒波
丈夫歲月蹉跎笑此地何年躍馬過擁名姬燕趙
三千繡袷健兒并代百萬銀戈大獵城頭清歌帳
下也算平生意氣多徘徊久把短衣挺突長劍摩
挲

哨徧

同張錦龍汪子錫鄭彥升孫驥千母
舅吳臨原聲謔姪瑤岑湖上分體作

三十六陂二十四簾今古銷魂地最風流酒榼共
茶鐺挈新知籠香覓醉又見好容光淡淡疎疎都
把繁粧淨洗指兩岫烟開滿湖波定一幅雲林筆
意但碧尊雕俎莫教辭舍作達人復何爲吾爲

若歌若爲吾舞未除豪氣
望日脚酣酣不見佳人
畫樓倚低首沉吟徧舊時
遊猛提起四座請無言
暫且停杯聽儂密訴當年
事憶曲巷幽坊繡車嬌馬
曾把絲鞭伴墜兒家直下
玉街西在紅板橋頭白板
扉費心情幾番牢記今日
斷襟零袂何處光延里只
蕩漿重來分鬪漫咏寫上
吳綾帕子諸公飲博太淋
漓怎知余離思遙寄

